

Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

11.02.08
J.nr. 31.23

Inatsisartunut ilaasortaq Josef Motzfeldt

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

§ 36, imm. 1 naapertorlugu apeqqt nr. 2008-14-mut akissut: Angallatinik ilaasartaatinik akuersisarneq

Asasara Josef Motzfeldt

Aallarniutigalugu angallatit atorlugit inunnik angallassisarnermut atatillugu maleruagassat akisussaaffiillu pillugit saaffiginnissutinnut, suliaasaqarfiup iluani maleruagassanik itisiliinissamut uannut periarfissiisumut qujanaq.

Saaffiginnissutinni illit taasattut Kalaallit Nunaanni imarsioneremut tunngassutilinnut Søfartsstyrelsi oqartussaasuullunilu akisussaasuvoq. Taamatullu Søfartsstyrelsi oqartussaasutut Kalaallit Nunaanni imarsioneremut isumannaallisaanermut nalinginnaasumut akisussaasuvoq. Namminersornerullutik Oqartussat paasititsiniaanerit, soorlu "imaani isumannaallisaaneq" suliniutillu allat, aqqtigalugit isumannaallisaaneq pillugu innuttaasut ilisimanninnerat annertusarniartuarpaa, taamaalilluni imaatigut ajunaartarnerit ikilisinneqarsinnaaniassammata.

Saaffiginnissutigisat tunngavigalugu allaffeqarfiga Søfartsstyrelsimut Nuummiittumut saaffiginnippoq. Taamaattumillu ilisimatitsissutigisinnaavara angallatinik ilaasunik angallassinissamut akuersissuteqarnermi maleruagassat suut angallammut ilaasartaatissamut pineqartumut atuutsinneqarnissaannut najoqqutassat arlaqarput.

Pingaartumik angissusissamut kisitsisit kiisalu ilaasut amerlassusissaat pingaaruteqarput. Angissusissamut kisitsisit angallatip takissusaata silissusaanut amerlitsisineremut (gange) takussutissaavoq, taannalu Søfartsstyrelsip angallammi aallaavissatut sukumiisumik toqqagai tunngavigalugit uuttoarneqartarpoq. Nalinginnaasumik angallatit angissusissaannut kisitsit 20 qulaanneqarsimanersoq ataanneqarsimanersorluunniit tunngavigalugu immikkoortitsisoqartarpoq. Taamatuttaaq angallat aqqaneq marluk tikillugit imaluunniit aqqaneq marluk sinnerlugit ilaasoqarsinnaanersoq tunngavigalugu immikkoortitsisoqartarpoq.

Angallatip angissusissaanut kisitsisip 20 inorsimappagu aammalu ilaasut amerlanerpaamik aqqaneq marluusinnaappata, angallatit minnerit amerlanerpaamik aqqaneq marlunilik ilaasoqarsinnaasut pillugit Søfartsstyrelsip teknikkikkut maleruaqqusaliaa nr. 10, 2. december 2003-meersoq atuutissaaq.

Angallatip angissusissaanut kisitsisip 20 sinnersimappagu, aamma/imaluunniit ilaasut aqqaneq marluk sinnerlugit amerlassuseqarsinnaappata Nalunaarutit F, kiisalu teknikkikkut maleruaqqusaq siuliani taaneqartoq atuutissaaq.

Tassalu angallatip angissusaa ilaasorisinnaasaasalu amerlassusaat apeqqutaatillugit maleruagassat assigiinngitsorujussuupput. Tamatumunnga atatillugu eqqaamassallugu

pingaaruteqarpoq, maleruagassarpassualiornissaq orniginarsinnaagaluartoq piffissap ingerlanerani misilittagarineqalersimasut naapertorlugit maleruagassat ilusilersorneqar-tarmata, taakkunanilu imaatigut angallannermi qanoq iliorluni ajutoornissat pitsaaner-paamik pinaveersaartinneqarsinnaanersut tunngavigineqarpoq. Taamaattumik angal-lammik nutaamik pisinnginnermi imaluunniit ilaasunik angallassisalinnginnermi tamatigut Søfartsstyrelsimut saaffiginnittarnissaq pingaaruteqarpoq.

Kiisalu angallatit pullattakkat takornariatitsisartunit atugaasut aamma ilaasunik angallas-inissamut akuerisaasut Søfartsstyrelsimiit nalunaarutigineqarpoq. Angallatit pullattakkat aamma soorlu Targa 35-p assigiinngissutaat tassaavoq, sukkassusissamut tunngatillugu Targa 35-p akuerisaanera angallammit pullattakkamit annertunungaatsiarmat. Taa-maattumik Targa 35 angallassinerpianut atorneqarsinnaavoq, angallatillu pullattakkat pingaartumik qanittumut assartuutitut atorneqarsinnaallutik.

Kiisalu ilisimatitsissutigisinnaavara, allaffeqarfinniit ilaatigut Kalaallit Nunaanni Takorna-riaqarnermi Inuussutissarsiornermilu Siunnersuisoqatigiit ataatsimeeqatigineqarnissaat pilersaarutigineqarmat. Tamatumani siunertaavoq inuussutissarsiutini suut ajornartorsiu-tigineqarnerisa tusarneqarnissaa. Kisiannili inuussutissarsiornermik ineriartortitsinermi imaatigut angallannermi isumannaassutsip annikinnerulersinneqannginnissaa Naalak-kersuisunit tunngavigineqarpoq.

Taamaattumik Søfartsstyrelsi saaffigissavara, pisuni suni maleruagassat suut atuutsin-neqassanersut erseqqissaqqullugu, taamaalilluni maleruagassanik atuuttunik sakkukilli-sitsinissamut, imaatigut angallannermi isumannaassutsimik ajornerulersitsisussamut taarsiullugu inuussutissarsiornermi pitsannguinerit maleruagassani ersarinnerusumik allassimalissammata.

Neriuppunga allagaq manna aqqutigalugu saaffiginnissutit naammaginartumik akisimas-sallugu, taamaanngippallu saaffiginneqqissinnaavutit.

Ikingutinnersumik inuulluaqqusillunga

Kim Kielsen